

40215

輯安縣鄉土志

674.1215  
111



輯安縣鄉土志凡例

一輯安係高句麗建都地除高句麗傳與古碑別

確據今皆錄冠卷首並摘會餘錄日本入橫及

國通鑑以為建置沿革之明證

一鄉土志條目及先後次序謹遵部頒辦法編輯復

參以例目詳加考定並無臆見致與程式有乖

一部領辦法條列井然即本境所無者亦於各條均

冠以序而存之以示錄事本去之意

一編輯限於時日又僅一人手足之力是以建置沿

革未及詳查今只就歷代大略載入

一田賦稅釐戶口設縣以前均歸通化懷仁經徵編

查無庸歷載以免混淆至歷代如何更無所考故

茲志以光緒二十九年為始

一學務警務為新政要圖志中所載係創始規模邊



地情形諸多艱窘俟詳備時再為補志

一耆舊為風化所關亦後世感勸所在惜本境甫經開闢前言往行率就湮沒當時可資觀感者亦如晨星碩果故事業如孝友睦嫻任郵學問如經史子集小學輿地算學校勘醫學理化各著述以及名儒名臣功臣名將循吏忠節與名宦鄉賢忠義節烈等祠可收入志者均不能不存俟諸將來之感

感

一人類只有韓民氏族多係寒微其源流本末世係與受氏傳世均無足記故略之

一宗教可以見人心實業足以徵習尚均就現在新查載入

一本境地理係分保分牌今列之以表而古蹟祠廟坊表橋梁市鎮學堂公署均各無多謹遵部頒辦

法次叙分附於各牌之下並繪本境全圖一幅以便觀覽

一本境之山除七十二個頂子與融和保之老嶺均係石質餘山多係山脊石簾山麓土質故於敘次山處不歷載

一道路本境大路少小路多今於平坦者曰路險僻者曰徑路徑之有歧者別之曰支路支徑并附志步撥以資郵便

一物產均遵通志錄入而於本境所有而無者增之所無而有者刪之名稱則記俗呼典據則仍原註至通志雖有此名物而土俗不知則亦概就節刪一本境鄉土為通志所未載其有附於永吉州者亦多未詳處所故編纂所及僅就聞見載入

一輯安鄉土志係創始纂修開闢未及一紀苦於邊

僻之區徵於古者文獻莫考訪之今者桂漏實多  
荒謬迂膚之識知所不免其於鄉土志例目所云  
事求詳核文期簡雅者更未有當於萬一矣  
光緒三十二年八月下浣恩貢生于會清謹識

輯安縣鄉土志目錄

高句麗碑文

高句麗傳

各書參考 摘會餘錄

建置沿革 以下遵錄部頒辦法

田賦

稅釐

農政

工政

商政

學務

警務

鑛務

賑務

軍制 兵事 耆舊 人類 戶口 氏族 宗教 實業 地理 公署 山水 道路 物產 商務

附圖

高句麗古碑文

惟昔始祖鄒牟王之創基也出自北夫餘天帝之子  
母河伯女郎剖卵降出生子有聖  
命駕巡東南下路由夫餘奄利太水王臨津言曰我是  
皇天之子母河伯女郎鄒牟王為我連巖浮龜應聲  
即為連巖浮龜然後造渡於沸流谷忽本西城山上  
而建都焉永樂世位因造黃龍來下迎王王於忽本  
東出黃龍負昇天顧命世子儒留王以道興治大朱  
留王紹承基業至十七世孫國岡上廣開土境平安  
好太王二九登祚號為永樂太王恩澤流長皇天威  
武拂被四海掃除庶宣其業國富民殷五谷豐  
熟昊天不弔有九晷駕棄國以甲寅年九月廿九日  
乙酉遷就山陵於是立碑銘記勲績以永後世焉其  
銘曰永樂五年歲在乙未王以碑麗不息又

躬率往討巨富山負山至鹽水上破其丘部洛六七  
 百當牛馬羣羊不可稱數於是旋駕因過駕平道東  
 來城力城北豐五備指避觀土境田獵而還百殘  
 新羅舊是屬民田來朝貢而倭以辛卯年來渡海破  
 百殘新羅以為臣民以六年丙申王躬率水軍  
 討利殘國軍首攻取壹八城白模盧城岩模盧  
 城幹上利城利城閣彌城牟盧城彌沙城金蔦城阿  
 巨城古利城利城襍彌城奧利城勾牟城古模能  
 羅城頁城分而能羅城城城  
 豆奴城沸八那利城彌鄒城也利城大  
 小韓城掃加城敦拔城婁賣城散城  
 婁城細城牟婁城長婁城蘇仄城燕婁城祈支利城  
 岩門至城林城利城就鄒城拔  
 城吉牟婁城閏奴城貫奴城三穰城羅

城仇天城 其國城賊不服氣敢出百戰  
王威赫怒渡阿利水遣刺迫城橫 便國城  
百殘王困逼猷出男女生白一千人細布千匹歸王  
自誓從今以後永為奴客太王恩赦 迷之徵錄其  
後順之誠於是、五十八城村七百將殘王弟并太  
臣十人旋師還都八年戊戌教遣偏師觀烏慎土谷  
因便抄得莫新羅城加大羅谷男女三百餘人自此  
以來朝貢論事九年己亥百殘違誓與倭和通王巡  
下平穰而新羅遣使白玉云倭人滿其國境潰破城  
池以奴客為民歸王請命太王恩後稱其忠 違  
使還吉以 許十年庚子教遣步騎五萬往救新羅  
從男居城至新羅城倭滿其中官兵方至倭賊退  
來背急追至任那加羅從援城城  
即歸服安羅人戍兵拔新羅城 長 城倭滿倭潰

城六

順來安羅人戍兵滿

赤

安羅人戍兵皆新羅安錦味有身

來朝貢

開土境好太王

一至

潰

朝貢十酉年甲辰而倭不軌侵

入帶方界

石城

連城

率

僕勾

相過王憧婁截盪刺倭寇潰

敗斬殺無數十七年丁未教遣步騎五萬

平穰

合戰斬殺盪盪所獲鎧鉀一萬餘領

軍資器械不可稱數還破沙滿城婁城還

師城廿年庚戌東夫餘舊是鄒牟王屬

民中叛不貢躬率往請到餘城而餘舉國駢

那

王恩普處於是旋還又其慕化隋官

來者味仇婁鴨盧卑斯麻鴨盧吐立婁鴨盧肅斯合

盧伏所攻破六十四村一千四百守  
墓人烟戶賣勾余民國烟二看烟三東海賈國烟三  
看烟五敦城四家盡為看烟長城一家為看烟碑  
利城二家為國烟平壤城民國烟一看烟才贊連  
二家為看烟住婁人國烟一看烟卅三梁谷二家為  
看烟梁城二家為看烟安失連廿二家為看烟改谷  
三家為看烟新城三家為看烟南蘇城一家為國烟  
新來韓穢沙水城國烟一看烟一牟婁城二家為看  
烟豆比北鴨岑韓五家為看烟勾弁峇頭二家為看  
烟永底韓一家為看烟舍為城韓穢國烟三看烟廿  
一古家能羅城一家為看烟吳古城國烟一看烟三  
峇賢韓一家為看烟阿旦城合雜珍十家為看烟巴  
奴城韓九家為看烟岩模盧城四家為看烟岩模盧  
城二家為看烟牟水城三家為看烟幹上利城國烟

二看烟叁傘舊城國烟七看烟

七 利城三家為看烟豆奴城國烟

看烟二奧利城國烟二看烟八須鄒城國烟三看烟

五百殘南居韓國烟一看烟五大山韓六家為看烟

農賣城國烟一閔奴城國烟二都烟廿二古并婁城

國烟二看烟八瑞城國烟一看烟八味城六家為看

烟就咨城五家為看烟夕穰城廿四家為看烟散那

城一家為國烟那旦城一家為看烟勾牟城一家為

看烟於利城八家為看烟比利城三家為看烟細城

三家為看烟國岡上廣開土境好太王存時教言祖

主先王但教取遠近舊民守墓洒掃吾慮舊民轉當

羸劣若吾萬年之後安守墓者但取吾躬率所略來

韓穢令脩洒掃言教如此是以如教令韓穢二百廿

家慮其不知法則復取舊民一百十家令新舊守墓

戶國烟卅看烟三百都合三百卅家自上祖先王以  
來墓上不安石碑致使守墓人烟戶羗錯惟國崗上  
廣開土境好太玉盡為祖先王墓上立碑銘其烟戶  
不令羗錯又制守墓之人自今以後不得更相轉賣  
雖有富足之者亦不得擅買其有違令賣者刑之買  
人制令守墓

高句麗傳

高句麗者出於夫餘自言先祖朱蒙朱蒙母河伯女  
為夫餘王閉於室中為日所照引身避之日影又逐  
既而孕生一卵大如五升夫餘王棄之與犬犬不食  
棄之與豕豕不食棄之於路牛馬避之後棄之野泉  
鳥以毛茹之夫餘王割剖之不能破遂還其母其母  
以物裹之置於暖處有一男破殼而出及其長也字  
之曰朱蒙其俗言朱蒙者善射也夫餘人以朱蒙非  
人所生將有異志請除之王不聽命之養馬朱蒙每  
私試知有善惡駿者減食令瘦駕者善養令肥夫餘  
王以肥者自乘以瘦者給朱蒙後狩于田以朱蒙善  
射限之一矢朱蒙矢雖少殪獸甚多夫餘之臣又謀  
殺之朱蒙母陰知告朱蒙曰國將害汝以汝才略宜  
遠適四方朱蒙乃與烏引烏達等二人棄夫餘東南

走中道過一大水欲濟無梁夫餘人追之甚急朱蒙  
告水曰我是日子河伯外孫今日逃走追兵垂及如  
何得濟於是魚鼈並浮為之成橋朱蒙得渡魚鼈乃  
解追兵不得渡朱蒙遂至普述水過見三人其一人  
著麻衣一人著衲衣一人著水藻衣與朱蒙至絕升  
骨城遂居焉號高句麗因以為氏焉初朱蒙在夫餘  
時妻懷孕朱蒙逃後生一子字始閭諧及長知朱蒙  
為國主即與母亡而歸之名之曰閭達委之國事朱  
蒙死閭達代立閭達死子如栗代立如栗死子莫來  
代立乃征夫餘夫餘大敗遂統屬焉

各書參考摘會餘錄

東國通鑑曰漢永光五年壬午高句麗始祖高朱蒙立先是扶餘王解夫婁老無子祭山川求嗣所御馬至鯤淵見大石相對而淚怪之使人轉其石有小兒金色蛙形王喜曰此天賚我令允養之名金蛙及長立為太子後其母於阿蘭弗曰夢天帝謂我曰將使吾子孫立國於此汝其避之東海之濱有地曰加葉原土壤膏腴宜五穀可都也遂勸王移都國號東扶餘其舊都有人自稱天帝子解慕激來都焉及解夫婁薨金蛙嗣得女子於大白山南優渤水間之曰我是河伯之女柳花與諸弟出遊解慕激誘入態心山下鴨綠室中私寢即住不返父母責我無媒而從人遂謫於此蛙異之幽於室中為日所照引身避之日影又逐而留之因娠生一卵蛙棄之與犬豕不食棄

之路牛馬避之棄之野鳥覆翼之蛙欲剖之不能母  
裏置暖處有男子破殼而出骨表英奇年甫七歲自  
作弓矢射之發無不中扶餘俗謂善射為朱蒙故名  
之蛙有七子其技能皆不及朱蒙長子帶素言於父  
曰朱蒙生也非常且有勇不早圖恐有後患蛙不聽  
掌于野喂馬朱蒙增損其菟豆令駿者瘦而駕者肥  
蛙自乘肥而與朱蒙瘦獵于野與朱蒙矢少而殪必  
多蛙諸子忌欲殺之母語朱蒙曰國人將害汝以汝  
才略何往不可就與遲留而後悔者乎朱蒙乃與烏  
伊摩離陝夫等三人行至淹流水無梁祝曰我是天  
帝子河伯外甥今日逃難追者垂及奈何於是魚鼈  
成橋朱蒙得渡及解追騎不及朱蒙行至毛谷過麻  
衣衲衣藻衣三人麻衣曰再思納衣曰武骨藻衣曰  
默居朱蒙賜再思姓堯氏武骨仲室氏默居少室氏

語衆曰我方承景命過此三賢豈非天乎至卒本夫  
餘涕流水上都焉國號高句麗因姓高四方聞之來  
附者衆連鞮鞞朱蒙恐見侵盜遂攘斥之鞮鞞畏服  
不敢犯朱蒙見涕流水菜葉流下知有人居上流往  
尋之果有國曰涕流其王松讓見朱蒙曰寡人僻在  
海隅未嘗得見君子吾子何從而來曰我是天帝子  
來都卒本松讓曰我累世為王君立都日淺地小不  
足容兩主君為附庸可乎朱蒙忿之因與較藝松讓  
不能抗廿二年漢建昭夏六月松讓以國降於高句  
麗

太平寰宇記曰朱蒙棄夫餘東走渡普述水至紇升  
骨城遂居之號曰高句麗國

東國輿地勝覽曰成川都護府本涕流王松讓故都  
高句麗始祖東明王自北夫餘來都卒本川松讓以

其國降

東國三十年歌曰高句麗祖號東明天帝之孫河伯

甥逃難立國卒本川漢元帝建昭二年

東國通鑑曰壬寅漢鴻嘉二年高句麗始祖十九年夏四月高句麗

王立子賴利為太子至秋九月高句麗王朱蒙薨太

子賴利立葬始祖於龍山號東明聖王

東國輿地勝覽曰平安道中和郡東明王墓在龍山

俗號真珠墓

太平寰宇記曰馬訾水一名鴨綠水水源出東北靺

鞨白山水色似鴨綠故俗名之去遠東五百里經國

內城南又西與一水合即鹽難水也

通典曰新羅國魏時新盧國其先本辰韓辰韓始有

六國稍分為十二新羅其一也魏將毋丘儉討高麗

破之高王奔沃沮其後復歸故國留者遂為新羅焉

輯安縣鄉土志

建置沿革

輯安古高句麗建都地也立有墓碑而未誌其在中國何代考東國通鑑曰漢永光五年壬午高句麗始祖高朱蒙立元帝世也北史高句麗傳則云漢武帝元封四年滅朝鮮置玄菟郡以高句麗為縣以屬之漢昭賜衣幘朝服鼓吹常從玄菟受之據此則高句麗之立已久而非元帝世也明矣要之地處邊徼自古外屬多而內屬少

聖朝肇造區夏首服東陸鴨綠以西盡隸版圖

國初度邊者示有厲禁歷年益久法網遂寬內地之出邊私闢者日衆而韓民之越界來墾者亦復不少光緒二年將軍崇實

奏墾東邊建設廳縣老嶺南北分屬於通化懷仁幅

頓遠閣治理難周光緒二十八年將軍增祺  
奏請添設縣治分通化之東威聚保西威聚民聚永  
聚同聚五保并滋生保之半於光緒三十年四月  
改稱為太和保與懷仁之冲和融和致和蘊和祥  
和五保共十一保劃歸輯安而縣治始建設焉總  
覽古今輿地圖志歷代之建置沿革其詳蓋不可  
考謹誌其大略焉

唐肅慎  
氏界

虞急慎按竹書紀年虞舜二十五年急慎獻弓矢周書王會  
辨又作獲慎急稷與肅音轉之訛其為一國無疑

夏同

商同

周朝鮮

秦同

漢高句麗祖朱蒙自夫餘表遂莫都焉立有碑其文有惟昔始祖鄒牟王之創基也出自北  
夫餘天帝之子母河伯女郅訶印降出生子等語與北史高句麗傳相合碑文又曰於沸流

卷三 西城山止而建都焉即城北山城子也遼史桓州高麗中都城故縣三桓都神鄉漢水  
營廢高王於此創立宮闕國人謂之新國按桓都即九都也且都朱牟蒙音之轉朱蒙之於  
新羅猶斯盧之於

魏

新羅息慎之於高慎耳其實同非二名也  
正始三年高王位宮寇遠西安平幽州刺史母丘儉將萬人出玄菟討之大戰於泮流谷  
位宮敗走儉追至視峴驍車東馬登九都山屠其所都

晉

同事見後女李條高王奔  
沃沮其後復歸故國

隋

文帝世高句麗王徒都  
平壤此仍其屬地

唐

高句麗

遼

始祖以鴨綠江以東地與高句麗遼史地理志遼州鴨綠  
軍節度本高句麗故國渤海號西京鴨綠府

金

地屬東京

元

屬東寧路

明

初隸建州衛  
後屬本朝

本朝置為森林光緒二年開邊設縣分屬於通化懷

仁二十八年添設輯安縣

田賦

聖朝

則壤成賦之制始於禹貢而分為九等至周官所載不易之地家百畝一易之地家二百畝再易之地家三百畝輯安邊荒初闢山林多而田地少準諸禹貢則厥田下下揆之周官則為再易之地徵田定賦任民之有田者稅之而不復視其丁口固已海隅蒼生咸獲樂利矣

光緒二十九年由通化縣劃歸輯安縣額徵錢糧地四萬七千二百三十五畝嗣因滋生保錯草溝以北地方歸臨江縣管轄隨界劃去額地二千二百七十一畝二分照數剔除實收額徵錢糧地四萬四千九百六十三畝八分並懷仁縣劃歸輯安縣額徵錢糧地七萬零五百九十一畝一分二共計額地十一萬五千五百五十四畝九分每畝徵銀三分計徵存二分正銀二千三百一十一兩零九

分八厘經徵地畝一分耗羨銀一千一百五十五兩五錢四分九厘

光緒三十年分准懷仁縣移稱因去歲移送撥歸

輯安縣地畝各冊將融和保二戶沖和保一戶共

三戶計地一百六十二畝六分漏未移送今將查

明補送共計額徵錢糧地十一萬五千七百一十

七畝五分應徵地糧正銀二分耗羨銀一分共計

徵銀三千四百七十一兩五錢二分五厘

光緒三十年和字五保官地一千八百九十一畝

每畝徵錢一吊二百文共地徵錢二千二百七十

五吊二百文

光緒三十一年聚字五保官地四百九十八畝五

分每畝徵錢一吊二百文共地徵錢五百九十八

吊二百文

稅釐

右者權政有六

聖朝釐定稅則沿舊法而變通之首關市次鹽法次權  
酷權茶坑治而終之以雜徵凡徵商之中無不寓  
恤商之意皆所以崇本抑末輔民力之不足而不  
專取於田賦之內法至善也輯安乃僻遠之域向  
無關市集鎮之設舊有斗秤捐燒鍋稅田房稅土  
藥捐設縣而後正值改革或以稅為禁或田重變  
輕誠有裨於

國計民生矣

斗秤捐

斗捐項下

元豆 包米

紅糧

小豆

小米

以上過斗雜糧出口每石收束錢二百五十文

秤捐項下

元蔭 線麻 蘇麻 莖草  
藍靛 五味 粉條

每百斤各估價東錢六十六吊

木耳

每百斤估價一百三十二吊

細辛 木通 大力子

每百斤估價五十九吊

蜂蜜

每百斤估價一百六十七吊

榆樹皮

每百斤估價三十吊

身母

每百斤估價五百六十吊

山茶條

每百斤估價二十四吊五百文

麻繩頭

每百斤估價九吊五百文

山繭

每籠作一百斤估價二百三十一吊

蘇油 豆油

每百斤估價六十七吊

元蠟

每百斤估價三百二十八吊

棉花

每百斤估價一百一十四吊

山絲

每百斤估價八百吊

猪毛

每百斤估價四十吊

木炭

每百斤估價八吊

白麵

每百斤估價四十六吊

以上過秤貨物出口按照估價每百吊抽收東錢

二吊文

黃菸

現奉新章每斤收稅錢一百文

豆餅

現奉新章每斤收捐錢一百四十文

秧參章程

六 每斤作價四十五吊

收捐錢九百文

五 每斤作價三十吊

收捐錢六百文

三 每斤作價二十吊

收捐錢四百文

四 每斤作價十吊

收捐錢二百文

小貨 每斤作價五吊

收捐錢一百文

以上斗捐每年約收銀一千二百兩秤捐約收銀

三四百兩惟視年成如何收成豐稔捐稅尚須多  
收年歲不及尚收不足千金至進口向係包捐現  
奉新章改包捐為散徵

田房稅

田房契稅每百兩九分稅每稅銀一兩以束錢拾四  
吊貳百文作價核錢每錢壹吊作銀壹錢設縣以來  
光緒二十九年經徵田房稅正耗銀八百二十兩零  
八錢九分一厘五毫

光緒三十年經徵田房稅正耗銀一千二百二十五  
兩一錢二分五厘

光緒三十一年經徵田房稅正耗銀一千三百五十  
七兩三錢七分二厘五毫

燒鍋稅

邊外燒高向有章程每班一日燒稅錢三吊秤捐錢

三吊斗捐錢八百文共錢六吊八百文以東錢九吊  
易銀一兩

光緒二十九年經徵燒稅斗秤捐銀共一千四百八  
十三兩零二分

光緒三十年經徵燒稅斗秤捐銀共二千三百七十  
五兩四錢

光緒三十一年經徵燒稅斗秤捐銀共二千五百六  
十八兩

光緒三十二年奉酒斤加價章程統歸斗秤局辦理  
土藥捐

光緒二十九年煙地六千六百二十五畝五分每畝  
徵銀二錢共徵銀一千三百二十五兩一錢

光緒三十年土葯地七千六百三十六畝七分每畝  
徵銀二錢共徵銀一千五百二十五兩三錢四分

光緒三十一年土葯地七千八百四十四畝七分二厘徵銀一千五百六十八兩九錢四分四厘

光緒三十二年土葯地五千四百三十四畝每畝三錢共徵銀一千零八十六兩八錢

印花捐

光緒三十一年開徵每畝四錢共徵銀三千一百三十七兩八錢八分八厘

光緒三十二年每畝四錢共徵銀二千一百七十三兩六錢

農政

民為邦本食為民天一夫不獲或受之飢故周家以稼穡開基尤以勞農勸民為重如匠人治溝洫遂大夫修稼政草人掌土化之法稻人掌蓄洩之宜設官分職其所以為農計者至詳且備夫天下之大利必

歸農王政之首圖在重食惟勤勸課禁遊惰不違農  
時農政綱領三者近之輯安山多田少地闢民稀開  
闢年少水利未修邇來韓民租佃頗諳修池種緇內  
地農民漸知學種或為水利所由興度地之宜以盡  
利補土之瘠而為肥是在賢有司德導之耳  
招民開墾光緒元年鄧委員辦理懷仁縣境地畝  
局務招民開墾至光緒二年設懷仁縣治章樾字幼  
橋知縣李棧辦地畝局務即於是年升科起徵至光  
緒四年據祥和等五保保正井玉等聯名稟稱有流  
民二百二十餘戶在太平溝蒿子溝等處佔墾閑荒  
等情當經章公稟准該流民等續報升科至光緒七  
年清丈地畝  
又通化初設縣治知縣張錫鑾字金坡辦理通化縣  
竟也畝局務招民開墾至光緒二十年甲午之亂中

東關戰鳳凰廳等州縣民之避亂多北徙者知通批  
縣事黃毓森字芷靜稟請當路安插難民及餘荒及  
浮多地畝准難民報領墾種三年後升科一時報領  
者甚衆後招戶開墾至地畝各若干並辦理各細情  
其原卷均經兵燹遺失無存無憑查考

工政闕

虞書列共工之官周禮備攷工之記工雖小道古人  
嘗有專家來之得法太之固賴以富國小之亦足以  
利用約之固可以謀生推之實所以與商古之善治  
國者通商必急於惠工工藝者誠商業之嚆矢也輯  
要地瘠民貧風氣未開舊有攻金之工攻木之工政  
皮之工設色之工埴埴之工然因陋就簡尚屬無多  
求其智為創而巧為述精益求精者蓋亦難矣勸之  
董之舍其舊而新是謀勤其名而考其成則工藝局

商政

之設誠不可緩而僻散之區當為之改觀

自前朝後市之制定而商以立至洪水平而懋遷有  
無商業為之一變今日萬國交通水舟而輪陸車而  
火轉運靈便商業亦極盛矣然今日為交通之時而  
輯安非交通之地南臨鴨綠下通沙河貨物運入非  
不便也而東西北三面俱阻大山銷路難期通暢有  
政以維之則首在達商路也商路既達於是以商賈  
阜貨而行布以量度成價而微價以刑罰禁斲而去  
盜庶貨賄可通而財乃可阜也

檢查所 光緒三十二年日本軍人在縣境洋魚頭  
對岸滿浦城地方設立木材廠號木軍用與木商爭  
執幾欲開蚌經知縣吳令光國與日員再四磋商始  
行定約官為分設木材檢查所一處於渾江口無論

何國流木經過查驗放行木把不准阻撓不但以之杜弊而亦免於尋衅并詳請當路推設安東縣一處運到木植與各國交際買賣概歸經理以保利權木商到處得有官人保護外人不得肆其虐木商稱便

學務

國勢之強弱在乎人才人才之盛衰關乎學校學校者人才之所由出也故興學於今日為新政之要圖新政於輯安以興學為急務汙萊初闢士少農多僻壤窮鄉未興禮讓則欲啟偏僻文明而化喬野之俗舍興學其奚由乎

輯安縣向無儒學書院亦未設有學堂劃界設縣以來正值新政頒行之際光緒三十一年知縣吳君勸設小學堂一處師範學堂一處俱在城裏師範生係六個月卒業現已試給文憑各保私塾尚仍其

舊學款由各保勸捐實難敷用且非經久之計稟由  
鹽糧抽捐每鹽入口一石捐錢壹角糧豆為出口大  
宗一石酌捐半角

### 警務

周禮秋官布憲以下如禁殺戮禁暴氏野廬氏蜡氏  
雍氏萍氏司寤氏司烜氏條狼氏修閭氏十一官所  
掌類皆警務之所宜講者警務為治內要政創自周  
禮拓自管子管子相齊欲速得志於天下而恐諸侯  
忌而備之於是作內政而寄軍令五家為軌軌有長  
五軌為里里有司四里為連連有長十連為鄉鄉有  
良人五鄉一帥故萬人為一軍統觀一國似無一兵  
而實通國皆兵此警務之所由昉也輯安山叢樹茂  
時有寇警中外交涉時有敵警職警務者宜如何自  
警而可馴至於無警耶

巡警局 縣境十一保由通化懷仁兩縣劃歸舊有團練窳敗不堪光緒二十九年知縣德凱改團練為警察正資訓衆而好鎮撫之未久而去光緒三十二年知縣吳君 整頓巡警分南北兩路南陸六保共選會勇五十名設一總局駐紫蘊和保東岡各保團會尚仍其舊餉項量戶攤派北路五保地少遵鄉鎮巡警章程按地抽餉於每畝二角之中酌添一角每畝一年捐錢三角共練巡勇二百名分兩區駐防西聚保之橫路為五保適中之地設一總局永聚保之高麗河為五保扼要之區設一分局

鑛務

周禮甘人掌金玉錫石之地而為厲禁以守之唐權萬紀言宣饒鄱中鑿山冶銀歲可得數百萬而為太宗所讓皆不言利也夫太宗謂天子所乏嘉言善政

有益於民者而不在利此誠可為萬世法然處萬國  
交通之世地不愛寶我不開而人將據之與其置天  
地精華聽其外溢何如謀富強基礎收我利權輯安  
鑛產有金銀砵諸等有首開而已停者有經日人采  
妥而未開辦者苟辦理得法則五金之產鑛稅之饒  
利權悉歸已有無容以聚人生事為戒竟使貨棄於  
地而不之惜也今將各保鑛產列表如左

保名 地名

鑛名

鑛地  
數目

蘆和保 上羊魚頭鑛洞子

鉛鑛

一處

下羊魚頭

銀鑛

一處

太和保 錯草溝

水晶

一處

墨晶

一處

永聚保 長岡

金鑛

一處

小葦沙河

金鑛

一處

民聚保 小蚊子溝

梨樹溝

向聚保 霸王朝山城溝

報馬川

冲和保 凉水泉子

旗杆頂子

大陽岔

賑務闕

周禮大司徒以荒政十有二聚萬民首曰散利薄征  
緩刑弛力月令季春命有司發倉廩賜貧窮振乏絕  
古之善為政者以三十年之通制國用量入為出雖  
有凶旱水溢民無菜色不幸而遇歉歲則文多善政  
降及後世因饑而賑貸為賑貸而攤派是所謂仍饑

三

炸鑛

金鑛

金鑛

銀鑛

線金鑛

銀鑛

金鑛

炸鑛

一處

一處

一處

一處

兩處

一處

一處

一處

曰荐者非耶故民不患荒於歲而患荒於賑夫荒於歲者民猶待命於賑至荒於賑民命將何待也賢有司體朝廷愛民之心務使民情上達實惠及民可已其使民困賑而有荐饑之嘆也忍乎哉

### 軍制

輯安居鴨綠江上游為東陞之屏蔽其所以安內而禦外者惟在整軍而經武然地非扼要之區故素亦未設守備自光緒二十八年添設縣治調懷仁縣保甲隊一營改為巡捕隊分區駐防以資彈壓光緒三十三年整頓營伍改巡捕隊為奉軍左路右營駐紮懷仁縣派出一哨分紮輯安縣界岔溝門

### 兵事

易曰王公設險以守其國重地利也用武而不知地利猶瞽者無相俵俵何之自古兩軍相交其勝者必其據要害而明地利者也歷觀兵家之所趨當知本境之險要

晉咸康七年慕容皝率勁卒四萬入自南陝未詳以

代高句麗又使翰及子垂為前鋒遣長使王寓等勸

衆五萬由北置地未詳或謂而進高王釗謂皝單之

從北路也乃遣其弟武統精銳五萬距北置躬率弱

卒以防南陝翰與釗戰於木底地未詳大敗之乘勝長

驅遂入丸都釗單馬而遁皝掘釗父墓載其尸并掠

其母妻男女五萬餘口焚其宮室毀丸都而歸明年

釗遣使稱臣於皝貢其方物乃歸其父尸

甲午之役各軍均未涉及縣境

庚子之亂十月間逃兵乘隙聚而作亂名為忠義軍

通化縣通字營率團練會禦之戰敗賊遂蜂擁而來如永聚保頭道歲子民聚保夾皮溝同聚保霸王朝韭菜園子西聚保台上均為屯聚之所光緒二十七年賊由通化縣之四道江竄擾嶺南至通溝團練會戰敗賊長驅西下被俄火助懷仁縣團會擊敗復取路通溝逃回四道江邑落多被焚燒賊黨擾鳳凰城被俄人擊退至榆樹林子一隊取路大水堤台東竄一隊竄至東聚保雙岔河距東山俄人追擊大敗之後被俄人收撫乃平

光緒二十八年忠義軍餘黨復起賊首郭幫帶黑眼皮呂鴻鈞嘯聚縣境聚字等保鄉人勒贖戶幾逃避一空賊以螞蟻河為巢穴與在通化縣界赤柏松盤踞之股匪丁彥相構合已約期攻城當是時各保團會皆畏賊不敢發有潛散者團正金連芳聞知率團

勇分三路擊之民聚保鄉約王鳳彩當東路與賊通  
謀誤歧路賊襲我後為其所敗金連芳收合散勇誓  
衆繼進太破之殺傷甚衆餘皆逃散丁彥柏恐乃北  
下縣境遂賴以安

甲辰日俄失和光緒三十一年俄兵駐外岔溝日兵  
南來由岔溝門過江進至皮條溝子俄兵過之敗退  
據通化縣日本守備隊遂駐岔溝門

者舊

十室之邑必有忠信三人同行厥有我師况輯安一  
縣之地自古在昔其名列旗常事輝方策者豈白無  
人但地處邊徼史乘無傳異域時多傳聞蓋寡聞邊  
以來歷年未久五方雜聚詎無行誼堪稱者乃閭俗  
而采風幾絕無而僅有所冀型仁講讓經正民興風  
化開而善人衆庶後之視今或不至如今之之視昔

也夫

附生張衛垣

字耀奎祖籍遼陽東邊設縣立學校遷居通化縣入籍補博士弟子員兩赴鄉試不第遂隱居教子弟讀書以自誤性緘默寡言而脊冷之誼自篤怡怡之氣形於辭色終其身無闕墻之釁家人與鄰爭官荒先生論之曰耕者讓畔古風也我家宜學之况地係官荒豈宜獨占遂讓焉遭時之亂以憂慮致疾卒鄉黨惜之

都李氏

都悅祥妻李氏夫故氏年最少生子甫九月家道寒微養殮莫給氏勵節益堅子長使就傅衣食資於女紅樵蘇井臼皆躬操茹苦含辛鄰人皆不忍見氏矢志自若也三十餘年撫子成立子亦樸勤知盡子道

人類

胡越一家唐太宗以為盛事以今較昔更駕唐而上之

國家柔遠能邇滋中國而撫四夷而戎夷之隸我版圖者各以其方之所近而附之者多輯安界鄰朝鮮漢戶口而外惟多韓民惟旗混於漢以旗著者實鮮人不一方俗各異好嫁女多不擇壻惟重聘是與最為風俗之敝然行不齋糧而雞黍之誼自篤其樸厚之風有足多者

韓民私渡越壑落戶居住由來已又皆因該國人稠地窄生計維艱是以陸續乘隙偷渡開邊以來或攜資本佃種納租或隻身與人傭工盡賴力作以糊其口尚無私行占壑偷種者現在戶一千六百八十五口五千五百六十散居各保並無聚居村落其風俗

樸勤不事積蓄嗜大尤好飲

戶口

古者男女自生齒以上皆登於版鄉士掌鄉數遂士掌遂數縣士掌縣數司民掌登萬民之數司寇獻其數於王王拜受之登於天府蓋國用之所係治化之所關故如此其鄭重也我

朝

聖祖仁皇帝特頒

恩詔自康熙五十一年生齒永不加賦而編審之法則奉行罔墜輯安山峻地狹村落零星雞鳴狗吠之聲不相聞達加以庚子以後連年兵荒戶多逃避遠徙戶口調查光緒三十一年編查保甲十一保共六千五百戶計男女四萬五千三百八十九口學齡兒童尚未特行編記今以光緒三十二年春季係甲冊為

斷較臨淄七萬固雖一籌比共騰五千尚多十倍

蘊和保

戶一千一百五十四

男三千四百七十八丁

女二千四百零八口

學齡兒童三十人

祥和保

戶五百八十七

男一千六百九十二丁

女一千一百五十七口

學齡兒童二十五人

太和保

戶三百九十三

男九百三十七丁

女六百零四口

學齡兒童八名

致和保

戶六百四十七

男一千八百五十一丁

女一千四百六十六口

學齡兒童三十八人

融和保

戶一千  
男三千四百五十丁  
女二千四百四十二口  
學齡兒童三十九人

沖和保

戶一千二百三十一  
男三千三百八十九丁  
女二千四百十七口  
學齡兒童二百零二人

東聚保

戶一千二百二十三  
男三千八百四十四丁  
女二千四百二十二口  
學齡兒童四十三人

西聚保

戶七百四十八  
男二千二百六十六丁  
女一千四百七十六口  
學齡兒童十三人

同聚保

戶七百十四  
男一千八百六十二丁  
女一千零九十八口  
學齡兒童二十二丁

永聚保

戶八百九十

男三千三百四十七

女二千四百九十

學齡兒童四十七人

民聚保

戶七百八十三

男二千五百十八

女一千七百一十

學齡兒童二十八人

以上十一保共戶九千二百七十

共男二萬八千六百二十七

共女一萬九千六百九十

共學齡兒童四百九十五人

氏族闕

禹貢載土姓之錫春秋詳命氏之文蓋因生賜姓固  
統係之攸歸而保姓受氏實宗祊之世守然故家遺  
俗每存於通都大邑之間若輯安五方雜聚類多側

陋又兼草萊新闢難遽求世代簪纓縱版籍類登誰  
為巨室然今日之新城即他年之舊縣民風變而文  
明啟將規冠蓋縱橫矣

### 宗教

韓文公謂古之教者處其一今之教者處其三

### 聖朝

恩闈法寬任人向慕而不之禁萬國交通以來各挾其  
國所篤信之教以傳布中華故宗教之繁較唐世而  
尤倍之輯安地處邊荒文教雖未暢行士民皆知宗  
尚佛老之教無不崇信入天主耶穌者以同聚西聚  
兩保為最多而回教及紅黃等教尚無傳者  
附城裏城隍廟一處關帝廟一處蘊和保關帝廟一  
處福壽宮一處冲和保關帝廟四處致和保關帝廟  
一處融和保紫微宮一處永聚保民聚保同聚保均

關帝廟一處東聚保紫微宮一處關帝廟一處西聚  
保關帝廟一處耶穌教堂一處

天主教人一百五十人

耶穌教人一千三百人

實業

周禮載師掌任地之法凡地利之不盡者徵其賦閭  
師掌任民之力凡民事之不勤者黜其禮夫徵其賦  
者非利之也驅之以務本耳黜其禮者非斲之也愧  
之使自勵耳當其時九職任民而生財者衆四民務  
業而游惰者鮮夫豈有不士不農不工不商者負生  
成之德梗朝廷之化哉輯安邊荒初闢為農者多商  
次之士又次之工蓋寡矣  
士四百九十五人  
農二萬五千八百人

工五百人

高二千五百人

地理

輯安南臨乎鴨綠北距於佟佳其橫亘乎區中者則山勢蜿蜒脈接長白固與通懷鼎峙而為東邊之名勝也在省城之東南八百二十里在

興京廳之東南四百二十里

縣城之東北二百里為臨江縣界北至通化縣界一百九十里西至懷仁縣界一百八十里西南至寬甸縣界一百四十里南一里渡鴨綠江即為朝鮮界縣境分為十一保十一保又分為六十三牌一保或四牌或五牌或六牌八牌不等各由一保統之一牌之溝岔地名紛繁均以一牌概之各牌之古蹟祠廟坊表橋梁市鎮學堂公署分附於各牌之下列表如

左保名

縣城及各  
牌地名  
輯安縣城

距城方向  
里數

蘊和保六牌

東岡

城東五里

分附古蹟 祠廟坊表 橋梁 市鎮  
學堂 公署

古城 高由麗建都地 石城已圮 周  
園五里 東西兩面共四門 日

本人 橫井忠直集有命 餘錄  
云古之令安城 未詳 何據

城隍廟 議修 關帝廟 西南

巡檢 舊署 建修 二年 學堂

閱蓮橋 東門外 溪水自東岡東繞  
城南面 西入通溝河 橋之

蓮花泊 渡口 西門外

高句麗碑 文附 太王墓 碑之西有  
得古碑 長一尺寬五寸厚八分 其八分

之寬面 文云 顯太王 陵安如山 固如  
岳 將軍墳 碑之東二里 全用大石

步 高三丈五尺 共七層 每層磨光石  
條三塊 層銳而上 極上一層 西甬石條

均有柱 眠其下 殿瓦堆積 西南面 第四  
層 舊鑿一門 內方廣五丈 高一丈六尺

中鋪兩石 似床 西圍 厓已鑿壞 旁有  
隙處 投一石 久之始隱 隱聞響 倦時

羊魚頭

城東二十里

大青溝

城東北六十里

羅家營

城東北三十五里

小青溝

城北二十里

大川

城北十五里

祥黃柏甸子

城東七十里

關帝廟

將軍墳究係何人蓋不可考矣東園通鑑曰高句麗王朱蒙薨太子靺利立莽始祖於龍山號東明聖王又昌平安道中和郡東明王墓在龍山俗號真珠墓是石無考  
五關墳 北山之麓土塚環立有五高似丘陵上有穴好李者繩  
總探之有石灰隔壁 福壽宮  
數曲上畫人物無他異  
阜民橋 閩蓮橋 秩東橋 溪水發源北渡口

九聖祠

古城 在山上隨山砌石南一門俗呼山城子母丘儉登九都屠其所都 點呼臺山城內高丈即此城 點呼臺山城內高丈  
養魚池 山城內池方廣兩丈水深五六尺又呼為飲馬灣

聚	永	牌	四	保	和	太		牌	八	保	和
高麗河	二道巖子		大長川	小長川	三道溝	大水隄台	輝皮甸子	秋皮溝	上套	下套	望江樓
城西北一百七十里	城西北一百七十里		城東北一百八十里	城東北一百七十里	城東北一百六十里	城東北一百四十里	城東北三十里	城東北一百二十里	城東北一百里	城東北九十里	城東北八十里

九聖祠

九聖祠

土城子  
已圮遺蹟  
猶存



西界懷仁縣二百四十里設步撥四處里數均以小路計之

一頭站設五道嶺距城五十里

一二站設皮條溝距頭站五十里由富子溝有街行赴高

一三站設懷界上漏河距二站五十里

一四站設懷界二棚甸子距三站五十里距懷城四十里

十里北界距通化縣三百里設步撥六處

一頭站設城關距二站六十里

一二站設同和嶺前距三站五十里

一三站設梨樹溝距四站五十里

一四站設葦沙河距五站五十里

一五站設二道崴子距六站五十里

一六站設通界恒聚保夾皮溝距通城四十里

六 牌  
甲乙川  
善提溝即瑪提溝

城西二百三十里  
城西二百二十里

九聖祠

龍王廟

九聖廟

渡口西北兩處  
善提寺

泉眼溝

城西一百一十里

報馬川

城西一百二十里

花甸子

城西一百一十里

荒倉溝

城西一百一十里

橫路

城西一百一十里

台上

城西一百九十里

關帝廟

關帝廟

牌

黃歲子

城西一百七十里

九聖祠

大荒溝

城西一百八十五里

大青溝

城西一百六十里

雙岔河

城西一百二十五里

紫微宮

關帝廟

牌七保和冲牌五保和致牌

八寶山	皮條溝	大陽岔	岔溝門子	彎溝	荒岔	瑪峴溝	活龍蓋	二龍關	外樣子溝	江沿
			子下牌	凉水泉	子上牌	凉水泉	城西南	太平溝	城西南	太平溝
城西一百七十里	城西一百六十五里	城西一百三十五里	城西南一百二十里	城西南九十里	城西南九十里	城西南十里	城西南三十里	城西南十五里	城西南十里	城西南五十里

關帝廟

關帝廟 觀音堂 雙龍寺 在江  
 巡檢衙門 光緒四年 斗秤局  
 船捐局 在江口中江稅局 渡口  
 關帝廟  
 關帝廟

古馬嶺

城西一百五十里

古馬相傳古有石馬一匹後不知其所終

紫微宮在五道溝

融台上

和吊打溝

城西八十里

保壺盧頭溝

城西一百一十里

八樣子溝

城西六十里

牌富有街

城西七十里

榆林河口

城西九十里

地溝

城西一百一十里

老虎哨

### 公署

夙夜在公者勤職事也敬爾在公者慎官守也

國家設官分職視地邑民居而尤重者其惟公署乎

皇恩由此布民情由此達政治由此施職守所在而顧名

思義宜如何請共爾位乎

知縣公署 坐北庫未設倉未設牢 在巡檢

典史公署

巡檢公署 在倉溝門子光緒四年修頭門三間

舊署在城東門裏路北頭門三間東西廂各三間

大堂三間已倒塌內宅三間光緒二年建現住六

房光緒二九年頭門裏西偏漆修四間南二間

捕盜營 在城東門裏路北

勸學所 在城裏大街路北

斗秤局 在倉溝門

南路巡警總局 在蘊和保東路

北路巡警總局 在西聚保橫路

北路巡警分局 在永聚保高麗河口

山水 封山濬川舜分夫下為十二州莫高山大川禹貢則為九州

聖朝肇基東土奄有東陲固出乎九州十二州之外而為  
納麓之舜轍不至敷土之禹迹莽經者也輯安山接

長白行境內三百餘里自帽鬼山蜿蜒而來聳立於  
鴨綠終佳兩大江之間分枝別幹彌滿境內而有名  
者少其中崇岡峻嶺儼若天之所以限南北也而水  
之在嶺南者入於鴨綠水之在嶺北者入於佟佳地  
雖下邑亦無不山環水繞拱衛

神京也

老嶺岡自長白山南麓珠魯木克善峯西南分一枝  
山至錯草溝入境而為境內諸山之幹西南行六十  
里為七十二个頂子又西行六十里至通溝嶺南分  
一枝為致和嶺之幹本幹又向西行七十里至大荒  
溝嶺北分一枝為歡喜嶺之岡本幹又行二十里至  
小青溝嶺北分一枝為關馬牆子之岡南分一枝為  
兩山之岡西北分一枝山為北岡和嶺本幹又二十  
里為南岡和嶺又西南行二十五里至板石岔嶺西

北分一枝為雙岔河山南分一枝為車道嶺岡本幹  
 又四十里至老嶺為南北通衢又二十五里至大青  
 溝嶺南分一枝為蒿子溝嶺北分一枝為黃岔溝嶺  
 之岡本幹又西南行二十里至刀尖嶺正幹西赴懷  
 仁縣界南分一枝山行二十五里至挂牌嶺西分一  
 岡為古馬嶺本山又向西南行二十里至七個頂子  
 又二十里到渾江口江沿落平  
 老嶺岡自錯草溝入境至七十二個頂子為太和保  
 界至通溝嶺為祥和保界通溝嶺西南分之枝山行  
 二十里為致和嶺十五里至打牛溝嶺又迤南而西  
 二十里為羊魚頭山又十里為將軍墳山又西行十  
 里到通溝河落平為城後山在蘊和保界  
 大荒溝嶺北分之枝山為天橋溝有葦沙河源十里  
 為龍瓜山又西北行三十里至歡喜嶺又二十八里

為大荒頂子又西行三十里為板廟嶺又西南行二  
十里到渾江沿落平嶺北為通化縣界嶺南在民永  
兩保之間  
小青溝嶺北分之枝山為蚊子溝山又北三十里為  
關馬牆山在民聚保界  
小青溝嶺南分之枝山行二十里為雨山及山城子  
又南行十五里至瑪峴溝門落平在蘊和致和兩保  
之間  
小青溝嶺西北分之枝山為新開河發源處即八寶  
溝西行三十五里為北同和嶺螞蟻河發源於其下  
又西北五十里至橫路嶺南分一枝行二十五里為  
台上旗轟山西北分一枝山行二十里為馱道嶺又  
西十里為大荒溝嶺又八里至夾皮溝江沿落平本  
山又向西十餘里為金場山又北而西二里為報馬

川嶺又西十里為亮紅頂子又二十里為山城子又西北八里為母豬背嶺又五里到渾江沿落平此山盤繞於聚字五保之間  
板石岔嶺南分之枝山行二十里至專道嶺東南分一枝為斜高嶺又南十五里到鴨綠江沿本山又向西南行三十五里至五道嶺西分一枝行十五里為榆林山本山又向南行二十里到江沿為關門礮子在融和保之間  
大青溝嶺南分之枝山行二十里至蒿子溝嶺南分一枝山行四十里為榆樹林子嶺又二里為鷹咀礮子又南十里到河口本山又向西南行五十五里為通天溝嶺又五里至江沿在融和沖和兩保之間  
大青溝嶺北分之枝山二十里為黃岔溝嶺又十五里為通懷嶺即菩提溝嶺又迤西而北二十里至東

長春溝嶺北分一枝八里為慶嶺又北五里為懷寶  
山又北注於渾江本山又向西行十五里為下滴台  
山到渾江沿落平嶺南為懷仁縣界嶺北為西聚同  
聚兩保之界

刀尖嶺南分之枝山行三十五里為八寶山又十里  
至挂牌嶺西分之枝山二十里為古馬嶺又十五里  
到渾江沿為輯懷分界之山

丸都山即城北十里龍山東國通鑑曰高句麗王朱蒙  
山號東明聖王樓山在今城東八里許明一統志在復  
州衛東十里有明山高句麗王之曰東明葬其上復  
即此山誤雨山土人相傳每雨多自此山起故名沸流  
谷在復州二十里山青溝裏有水如沸古碑有云於沸流  
八寶山在城西上而建都馬蓋謂此谷漢俗名來羊魚  
頭江中以其形名大將軍石在城東一百三十里輝茂店  
馬面石在城西打溝八十小水隄台一石線高數丈下臨大江

大水隄台石質在城東一百四十里江邊鳥道中有  
 危險異常蜀道白礮子在城西北一百七  
 之難不是過也  
 西一百七十  
 里外金溝里  
 嶺年知縣西北六十里南北二嶺光緒三十  
 鴨綠江源出吉林長白山麓西南流至錯草溝入  
 本境北在治所東向南迤西流經太和保有白馬浪河  
 大長川河小長川河三道河二道河頭道河皆自其  
 西北來注之又南而西經祥和保七十二個頂子南  
 麓有石湖溝水秋皮溝水蓋子溝水皆自其北來注  
 之稍西經蘊和保羊魚頭水東岡水自北來注之至  
 治所城南與通溝河會其水發源於治所之東北蘊  
 和保通溝嶺下向西南流有大青溝水自西北來注  
 之大荒溝水小荒溝水自北來注之小青溝水自西  
 北來注之稍南而西夾皮溝水自東來注之又西而

南經山城子南麓至輯安城南來會又向西流經致  
 和保瑪峴溝河自北來注之又西南太平溝河自北  
 來注之又西流經融和保榆樹林河自北來注之又  
 西流經冲和保凉水泉河岔溝河自北來注之至潭  
 江口出本境在治所之西南入寬甸縣界行境內約  
 三百四十里  
 佟佳江俗呼潭江源出臨江縣三岔子會典云出伊爾哈雅番山西南  
 流至永聚保入輯安縣境在治所西北西南流與葦  
 沙河會其水發源於民聚保天橋溝山向北流龍爪  
 溝水自東北來注之蚊子溝水自西南來注之又西經  
 闕馬牆山北麓楊木橋水大荒溝水自北來注之媽  
 蟻河自南來注之又西北經永聚保高麗河小葦沙  
 河自東北來注之至長岡來會又南而西經民聚保  
 梨樹溝水夾皮溝水自東來注之經同聚保泉眼溝

水自南來注之又西南流新開河自東南來注之又  
西而南至甲乙川經下大隄台山北麓出輯安縣境  
在百治所西北入懷仁縣境行境內約七十里  
佟佳江自甲乙川出境後西南流折而東南至冲和  
保古馬嶺溝又入輯安縣境向東南流古馬嶺溝水  
橫阜溝水自北來注之至渾江口注鴨綠江出輯安  
縣境在百治所西南入寬甸縣境行境內約三十里  
新開河源出於輯安縣治所之西北六十里八寶溝  
掌同和嶺下向西南流經東聚保小梨樹溝水大梨  
樹溝水自東南來注之稍南而西北倒木溝水大青  
溝水自南來注之經王婆嶺南麓迤北西小青溝  
水自南來注之又西南折而東北流大荒溝水自東  
北來注之又西流經西聚保橫路溝水自北來注之  
荒岔溝水自南來注之又西北流經同聚保報馬川

永自北來注之善提溝水自南來注之至懷寶信溝  
 門入佟佳江行境內約一百五十里  
 馮訾水北平鞏白鴨綠水之去遠東  
 五百里經內城南山又與佳合俗名綠水  
 小即青鹽難中流也極高丈餘佳激水  
 西五月間未商如許幽始浮出深俗謂下  
 下沒入水間如許幽始浮出深俗謂下  
 夷傳曰嘉平五年許幽始浮出深俗謂下  
 討高句麗於沸宮將步騎二萬屯蓮花泊  
 單一大戰於沸宮將步騎二萬屯蓮花泊  
 活龍蓋在雙岔河新開城西此游小梨樹  
 水相會轉心湖在東北一係背陰河在融城  
 之處泉城中西南九十里東聚一係背陰河  
 止涼水泉城中西南九十里東聚一係背陰河  
 蟻河襄湖之里和南保魚湖二濼尺每城麗  
 皆逆流上之游石門高約二尺每城麗  
 綠石河皆城西似北翠而色深土人以名石  
 保民聚似北翠而色深土人以名石  
 佟家江由下朔自輯安縣境甲乙川上至輯安縣境

葦沙河口水深可運內峇五六十石之船木簾下駛亦便鴨綠江由委溯至岔溝門子地方內峇一百五六十石之船均可運駛由岔溝門子溯至城南及逸東太和保等處內峇一百石之船亦可運行木牌下駛全無阻窒至嶺南之通溝河嶺北之新開河葦沙河惟零件散木魚貫而行俗謂方可放出河口大小船隻概難運行至冬水皆枯結

### 道路

周禮合方氏掌達天下之道路野廬氏掌達國道路至於西畿候人各掌其方之道治與其禁令先王之加意於道路者蓋道如砥石規周家之方威道常難行和陳國之將士道路美惡將於此觀政治焉輯安山高路僻蠶叢崎嶇至有車不得方軌馬不得并馳之處古稱毋丘儉破高王位宮迫至覲覘懸車束馬吟

不異於古辨云也  
城之東方行五里至東岡與羊魚頭支徑會其支徑  
東方自黃柏店子來向西行十五里為礦洞子渡羊  
魚頭河至下羊魚頭逾嶺二十里來會本路又向北  
行五里逾土口子嶺與夾皮溝支徑會其支徑東北  
方自羅家營來過小南嶺為夾皮溝向西南過偏道  
子嶺十里來會本路又向北行十里為小荒溝北與  
小青溝支徑接又向東行八里為羅家營向東北渡  
通溝河五里為大荒溝門與大荒溝支徑會其支徑  
西北方自關馬牆來向東南行二十里為龍爪溝又  
十里為天橋溝又二十里逾大荒溝嶺南行四十里  
至溝門來會本路又向東北行十二里為錯草隄台  
又八里為大青溝與打牛溝支徑會其支徑由秋皮  
溝門逾南嶺為良民店子又西行十里逾直溝嶺為

下套又西五里為望江樓又十里為小水隄台又十  
 里為黃柏店子又西北逾打牛嶺五里至打洋溝來  
 會本路又向東行十五里至雙岔頭與東岔支徑會  
 其支徑自東北方與臨江分界之錯草溝來向南方  
 五里逾橫路嶺又二十五里為大橫路又十二里為  
 二道溝又西南逾嶺十里為頭道溝又十五里為大  
 水隄台又西行十里為化皮店子又十五里為秋皮  
 溝又西北三十五里逾致和嶺又五里至東岔來會  
 本路又向東北行二十里逾通溝嶺與通化縣羅圈  
 十道溝路接  
 城之北方行十里為山城子向東逾北十五里為小  
 青溝向西北行二十五里逾小青溝嶺為大蚊子溝  
 又三十五里逾嶺為小蚊子溝又北行十里至關馬  
 牆子與花甸子支徑會此支徑自東北方通化縣界

國松川來逾歡喜嶺向西行十五里為楊木橋子又  
十里至花甸子來會本路又向西北行十里為東橫  
路又向西逾南十里至大川與螞蟻河路接  
城之西方渡通濂河行十里至瑪峴溝門與斜高嶺  
支徑會其支徑由西南方二龍關來五里逾斜高嶺  
迤東北行十五里至瑪峴溝門來會本路又向北行  
五里至板石岔溝門為三岔路口向北分一支路行  
三十里逾南同和嶺為八寶溝又北行計里渡新開  
河逾北同和嶺又三十里為高麗溝又十五里為梨  
樹溝又北行二十里至螞蟻河口向西行渡河五里  
為三道歲子與夾皮溝支徑會此支徑由西南方夾  
皮溝來過馱道嶺八里至鹿園子溝門來會本路又  
向北渡河五里為二道歲子與高麗河支徑會此支  
徑由東北方通化縣界哈塘溝過嶺為高麗河向西

行三十里至河口來會本路又向西渡河十里為頭  
道歲子又北渡河五里為小葦沙河又向北行十五  
里為板廟嶺與通化縣廟溝路接  
板石岔溝門向西南為正路逾車道嶺五里為太平  
溝二十五里至二龍鬪又向南迤西十五里逾五道  
嶺為棧子溝向西十里至富有街為雙岔頭向北分  
一支路行四十里逾老嶺又十五里為雙岔河與小  
梨樹溝又徑會此支徑東南方由板石岔溝門東向  
西行二十里逾嶺為小梨樹溝向西北迤南十五里  
至雙岔河來會本路又向西行二十五里為大青溝  
向西北逾王婆嶺迤西渡河十五里為黃歲子向西  
北五里逾慶嶺與大荒溝支徑會此支徑由螞蟻河  
西道溝西南逾嶺五里為東葫蘆又向南而西行二  
十五里至溝門來會本路又向西行十里為台上向

西南渡河八里為花甸子與橫路支路會此支路由  
北方青溝子來逾橫路嶺向南行十五里渡河至花  
甸子來會本路又向西行五里至荒岔溝與南橫路  
支徑會此支徑由懷仁縣界南橫路來向東北逾嶺  
為荒岔溝向北行二十五里至溝門來會本路又向  
西渡河十里為韭菜園子與報馬川支路會此支路  
由北方小葦沙河來渡葦沙河向南行逾大荒溝嶺  
十五里為夾皮溝又南逾報馬川嶺二十里至韭菜  
園子來會本路又向西行五里至龍王廟與菩提溝  
支徑會此支徑由南方杉松背來逾嶺為菩提溝向  
北行十五里至龍王廟來會本路又向北行渡新開  
河五里為霸王廟向西分一支路渡江與通化縣紅  
石磯子路接本路向北行十里渡渾江與通化縣二  
道溝路接為赴

興京廳大路

富有街向西行十里逾榆林嶺為涼水泉子又十里逾通天嶺為外岔溝西與楊木林子支徑會此支徑由寬甸界老古礮子向東渡江為渾江口十五里至岔溝門子來會本路又向北行二十里為大陽岔與古馬嶺支徑會此支徑西方自寬甸界下漏河渡江為古馬嶺溝向東逾古馬嶺十五里為七介頂子又五里至大陽岔來會本路又向北十五里為皮條溝與八寶山支徑會此支徑一自東方榆林街來向北行二十五里為葫蘆頭西逾蒿子溝嶺二十里為八寶山一自西北方懷仁縣界杉松背來向東南逾刀尖嶺三十五里為八寶山皆至皮條溝來會本路又西行十五里逾挂牌嶺與懷仁界裏岔溝路接附步撥十處每處撥夫三名抄書一名

西界距懷仁縣二百四十里設步撥四處里數均以小路計之

一頭站設五道嶺距城五十里

一二站設皮條溝距頭站五十里

由富有街起蒿子溝小路行

一三站設懷上瀧河距二站五十里

一四站設懷界二棚甸子距三站五十里距懷城四十里

十里北界距通化縣三百里設步撥六處

一頭站設城關距二站六十里

一二站設同和嶺前距三站五十里

一三站設梨樹溝距四站五十里

一四站設葦沙河距五站五十里

一五站設二道歲子距六站五十里

一六站設通界恒聚保夾皮溝距通城四十里

74.1315

11

